

《武昌縣志》整理工作委員會

武昌縣志

全五冊
第五冊

湖北長江出版集團
湖北人民出版社

武昌縣志卷二十四

人物 列女一

宋

張素英，金牛鎮婦人。

《嘉慶通志》。

王師圍鄂，游騎於金牛鎮得一婦人，欲侵之，

厲聲曰：「我夫婿翁姑皆死，目前未得即死，又可受辱邪？速與我死。」

遂置之。自稱梅溪主人張素英，作歌詩數篇以見志。尋以疾卒。於湖中得

一路分妻，一日以無夫，選賜有功軍人。即以掌批其頰，對今上大呼曰：

「妾夫將千五百人，扼敵沅州，妾命婦也，豈可辱。」於是乞速賜死。

上矜其志，賜之衣糧，使有司存卹之，以俟其夫。亦尋以疾卒。又有漢

陽教授之妻，為一兵所掠，義不受辱，投於沙湖。三人者，僕親見之，皆

可附韓希孟之義，各為賦詞以寓意云。

郝經《臨川集》。郝經《武昌詞》三首：「巴陵女子韓希孟，梅溪主人張素英。解作歌詩還死節，不論傾國

與傾城。烏鬼山頭鬧鼓聲，武昌恭人攜孺兒。黃須回鶻便批頰，義感萬乘真英奇。漢陽宣教是妾夫，妾身未死緣事姑。騎士朝來強擁去，抱石半夜投沙湖。」案：郝經有《巴陵女子行》，為韓魏公孫女希孟死節作。

元

月娥，西域人。元武昌尹職馬祿丁女也。少聰慧，聽諸兄說經史，輒通大義。

長適蕪湖葛通甫，事上撫下，一秉禮法。長姁注：諸妾中的長者姓盧的。率諸婦女悉受其

教。明太祖渡江之六年，偽漢兵自上游而下，盧曰：「太平有城郭，且嚴兵

守可恃。」使月娥挾諸婦女往避之。未幾，寇至城陷，月娥嘆曰：「吾生詩

禮家，可失節於賊邪？」抱幼女赴水死，諸婦女相從投水者九人。方盛暑，

尸七日不浮，面如生。鄉人為巨穴合葬之。故居之南題曰「十女墓」。

娥弟丁鶴年，幼通經史，皆娥口授也。后通甫與盧皆死於寇。《明史·列女傳》。

明

孝子周琳妻何氏。永樂中，琳代父從軍，戰死鷓兒嶺。詳《孝友》。何聞訃，哀痛

幾死，檢琳故衣，具冠履，招魂而葬之。躬紡績，扃戶教子，不逾閭者四

十年。鄰不戒於火，何端坐不出，俄風轉火滅，得無恙。年七十，沐浴更

衣而逝。祀貞節祠。子二，溥、滋。孫五，俸、德、侯，俱諸生。邵國志。

朝咸豐三年旌。新纂。

廬陵主簿蔡洙妻馮氏，年二十九，洙卒於官，蔡剪髮誓志，攜子真童扶櫬還，守節四十餘年。正統間，有司以聞，詔旌其門，蠲其徭役。子，真童。熊志。

熊鎡妻胡氏，蘄州人，綿州教授胡顯女，適安縣尹熊友信子鎡，生子甫月而鎡卒。友信將還武昌，時胡顯己家綿州，欲留之。胡氏堅請扶櫬歸。

屬有危疾，鎡弟鏞善醫，將為診視。胡曰：「嫂叔不通問，禮也。吾未亡人，安用藥為？」年八十二卒。知府鍾選勒其事於旌善亭。孫棣，婦

嚴氏，年二十。棣卒，亦矢志自守。時稱雙節云。《一統志》。邵志。

生員周子儉妻易氏，年十九苦節，正德中旌。邵志。

郭文妻龔氏，年二十一而文卒。舅姑欲奪其志，龔誓死守，勤紡績，以供養。歲歉忍饑。知縣常賑給之。邵志。

張鑾妻胡氏，年二十四，鑾卒。遺腹生子楷，家貧苦節。舅姑陰納鄭氏子聘。

胡聞之，將自殺。舅姑知不可奪，乃以己女妻之。胡全節以終。邵志。

生員邵柯妻唐氏，早寡。舅姑相繼歿，唐矢志靡他。知府王鑾巡縣，有詩

紀之。

邵志。

黃琦妻黎氏，年二十，琦卒。紡績奉姑，年八十六卒。知縣李宗暘有詩紀

之。子朝儒。

邵志。

盛仕舉潛妻舒氏，

案：邵志作哲。

年二十一夫故，家貧，矢志奉姑，姑卒，哀毀盡

禮。

熊志。

曹通妻李氏，年十七，通卒，紡績為生，撫兩孤成立。

邵志。

蕭相妻陳氏，事姑孝。姑性嚴，鞭撻無完膚，陳承順備至。姑歿。夫亦相

繼卒，陳喪葬如禮。

鄉人訓女者，必曰如蕭家婦云。

邵志。

生員吳維寰妻胡氏，年十六，適維寰，生子如揆。如揆生五歲而維寰亡。

妾邱氏，年未二十，同胡嫠居，胡盡以所遺金上之舅。舅老，庶姑主內

政，胡性渾樸，失堂上歡，衣食常缺乏無慍色。邱慧而剛，撫如揆若己

出，慈不減胡，而嚴常過之。如揆憚之過其母。後補諸生。萬曆中，巡

撫徐旌其門曰「雙節里」。

據譚元春《胡邱二氏傳》。

袁州教授孟紹勛妻劉氏，勛卒於官，劉年二十六，截髮誓志，守節五十餘年。有司旌其門。子光第，封承德郎。邵志。

生員宋景郊妻江氏，早寡，閉戶辟纊，直指屢給衣帛，旌異之。子之愷，

府學諸生。

邵志。

生員陳敬王

案：熊志、《嘉慶通志》均作王，邵志作玉，誤。

妻朱氏，敬王卒而子殤，貧無所依，弟生員

朱陞良、士良，常周卹之，守節五十六年終。

邵志。

儒士吳如恆妻童氏，年十八而如恆卒歿，父母欲奪其志，童截髮自誓，撫

子士貴成立。士貴死，婦改適，童復撫孫大昌，守節六十餘年。

邵志。

生員田九嶷妻胡氏，九嶷卒，家貧，伯茂禾饒於貲，無子，不之卹，且逼

令他適。胡矢志撫孤，苦節五十餘年。子一麟，諸生。

邵志。

太僕卿孟習孔妾黃氏，揚州人，舉人婁縣知縣道脈母。崇禎十五年夏，獻

逆窺江南，從子間道走豫章，趣粵東。已而道脈歸理先人墓，黃留寓潯

陽，突有掠其囊篋者，并執黃。黃怒罵曰：「死賊，財賄恣所取，我太

僕家人，豈可辱乎？」遽奪賊刀，自刺其喉而死。國朝咸豐三年旌。

《一統志》。邵志。新纂。

生員張廷翼妻柳氏，舉人柳東女，年三十，廷翼卒，柳茹苦如飴，性好施與，守節四十二年。子維齡，諸生。邵志。

儒士張肖月妻楊氏，肖月早卒，楊守節六十年。子琦，諸生。孫四人，長皋謨，真定知府。次來章。次益謨，貢生，考授州同。次稷謨，雲南鹽

提舉。邵志。

邵雲寰妻邵氏，一云趙氏。年二十三，雲寰歿，遺孤三。值闖逆東奔，挈子避

賊於天宮井。案：地在洪道鄉。賊至大索山谷，幼子南依母，不忍去，遂同被執。

邵氏罵賊死，賊釋南，南匿母尸崖谷間。後四月，南入山尋視，貌如

生，乃負歸葬焉。邵志。國朝咸豐二年旌。新纂。

王氏，生員王家臣繼母，家臣兄弟三人，早歲失恃，王氏鞠育倍於所生。

夫卒，值闖逆蹂躪山谷，被執，罵賊死。新纂。

呂薜妻姜氏，年十八而寡，遺孤大夔甫三月，宗老有不諒其志者，使人微諷之。姜厲聲曰：「禽獸之行，不忍為也。」宗老憐之，迫令改適。姜攜孤以沈淵誓，議始息，又訟其父光宇，誣以耗呂氏家財，連致於獄，姜攜孤訴縣庭曰：「嫠所不即從夫地下者，為此一塊肉耳。與老父何辜？」知縣嘉歎，訟乃已。歸遇雨，行泥淖中，盡四十里。家中落，嚴督奴婢勤耕織。天崇間，歲洊饑，流亡載道，姜百計支持食指二百餘，卒保聚無恙。崇禎十六年五月，獻賊據楚府，開科取士。時，大夔已補府學諸生，友人強應偽科，姜置酒款曲，從容謝之。寧南王左良玉兵至，搜偽榜治以從逆。十六年，闖賊據省城，姜避賊於鴨兒湖，命大夔移舟月山。賊至湖中，男女屠戮無遺，而姜得全。年八十六卒。子大夔，有傳。孫師端，廩膳生。曾孫璧琬，諸生。璜，舉人。琛，增廣生。鄭任鑰《姜氏傳》國朝雍正三年旌新纂。

武昌節婦某氏，田家也。生兩男而寡，無姑，與翁居。張獻忠將至武

昌，人洶洶，其翁買一舟載所有，挈節婦並兩孫逃之湖。湖距樊口十餘里，葭葦聚雜，烟水渺彌，頗曠窄，縣人嚮所避亂處也。節婦至，見避亂者纂纂來，抵暮而前後左右且萬舟。節婦微語其翁曰：「來以逃寇，今逃寇者萬舟，是召寇也。此不可處矣。」翁方戀其所載，次且間。婦大聲曰：「事急矣。」乃各抱一兒，輾轉緣他舟以出，另覓一小舟夜去，孤泊港溆間。無何寇至，按舟殺，在湖無一人免者，而節婦家以孤泊獨存。節婦有田數十畝，亂後二子耕之，以小康終其身。

《竹香齋古文》。案：節婦事與呂蕘妻姜氏避亂事相類，故彙紀之。

生員曾一唯妻吳氏，

案：熊邵志俱失一唯名，今從馬七里《吳氏譜》、吳正初撰《八姐傳》補。

耆民吳輅女。一唯卒，吳卧

床不食，輅往寬之曰：「兒強飯，但苦死者耳。」吳瞠視曰：「父何言？」遂側身面壁，餓五日死。知縣旌表之，將合殯，棺先行，重不可舉。先其夫，乃行。

《一統志》。邵志。

都司吳時喬妻潘氏，時喬隨剿四川楊應龍，散財結客，身先士卒，搗平

之。潘親歷戎行，脫簪珥以餉戰士。時喬疾卒於軍，潘時年二十，收骨歸里，崎嶇萬狀，年八十六終。子如玠，諸生。邵志。

光祿寺署正孟道翼妻胡氏，性至孝。父病，侍藥餌。疾革，脫簪珥治喪葬。闖賊突至，執之。罵賊而死。天啓中，封安人。邵志。

龔振字妻王氏，龔故里長時軍需旁午，王佐以機杼事無廢。振字卒，撫孤乘上，勛以詩禮，又進以弓矢。乘上中崇禎己卯武舉，直指汪旌其門曰

「玉節」。年八十四卒。邵志。

閔時舉妻胡氏，年二十三，時舉卒，撫孤蔬食，終身守節四十七年。邵志。

謝王氏，舉人王渭鼎之姑，年十九夫故，遺孤一歲殤。家貧，或將奪其志，輒引刀自誓，守節五十九年。邵志。

生員孟世第妻周氏，年十八而寡，遺孤謙吉甫三歲。周苦節自甘，教子成立。邵志。

孟道凝妻金氏。道凝贅於金，甫及期，墮水死。金年方十七，遺腹生子輝

祖，甘貧守節四十餘年。

邵志。

周實指妻黃氏，適周一年，實指卒，遺腹生子，八歲而殤，滄然孑立，奉侍舅姑未嘗失禮，年七十二卒。

邵志。

劉奇期妻周氏，家貧，敬事舅姑，勤儉有度。生五子而寡，兵火頻仍，撫諸孤備極勞瘁。夫未歿時，貸逋悉拮据以償，年八十餘，有孫十人，知

縣給匾曰「節堪勵俗」。

邵志。謹案：《古今圖書集成》入《閨節傳》。

儒士熊晉妻楊氏，家貧，早寡，無子女，苦節三十餘年。

邵志。

李蓋臣妻熊氏，武昌人，大名知縣正南女。蓋臣父周華官贛州知府，蓋臣從父之任，留婦於家。崇禎十六年，武昌陷，婦匿林藪中，為賊所得，奪刀自刎。賊去，婦嫗救活之。明年，李自成率殘卒南奔，婦只身竄山谷，有胡姓者欲為子娶之。婦曰：「吾頸可斷，汝不聞前事乎？」已，蓋臣自江西歸，遇賊被殺，婦慟三日，自縊死。

《明史·列女傳》。

國朝咸豐三年

旌。

新纂。

生員朱鵬妻孟氏，清河知縣孟鼎第女，事孀姑至孝，年三十鵬病卒，守節

四十年。子正色，諸生，早世。孫祖襄，武生。

邵志。謹案：《古今圖書集成》入《閨節傳》。

熊正茂妻胡氏，家貧，苦節五十餘年。子大達。

邵志。

魏夔一妻謝氏，夔一早卒，家貧，遺一女。謝年二十二，值闖逆之亂，

兵燹蔽野，謝匿身巖穴中，有虎眠其側，竟不之害。亂後歲饑，兄弟

饋遺外，不飲他人杯水，竟餓死。

《一統志》、
邵志。

國朝咸豐三年旌。

新纂。謹案：《古

今圖書集成》入
《閨節傳》。

徐宏軒妻柳氏，生員柳賓女。年十六適徐，生一女，逾年宏軒卒，遺腹生

子，柳撫之，已生孫矣，復俱夭。窮無所歸，乃依其外孫。卒年九十

六。

《一統志》，
邵志。

耆民吳一堯妻衛氏，早寡，上奉孀姑，下撫弱子，為夫營葬，皆資辟纊，

守節四十餘年卒。子啓彥，諸生。

邵志。謹案：《古今圖書集成》入《閨節傳》。

生員吳自強妻高氏。自強病，高吁天，割股，願以身代。卒不起，遺孤三，值

歲歉，道殣相望。高啜蔬飲水而延師訓子，仍豐其脩脯。久之，絕炊。鄰有富人以百金為其父英伯壽，求聘為繼室，高聞之，告父曰：「餓死事小，失節事大。」遂投於水，救免。知縣鄒逢吉旌其門。子士行、琦，俱諸生。

《一統志》。邵志。

生員劉士奇妻胡氏，夫亡，遺腹生子篤公。時舅姑年皆八十餘，胡生事死葬，心力交瘁，守節四十年。篤公，諸生。
邵志。謹案：《古今圖書集成》入《閨節傳》。

生員唐時夔妻吳氏，生員吳正中女。時夔卒，事舅姑孝，守節四十餘年。

邵志。謹案：《古今圖書集成》入《閨節傳》。

耆賓周慶年妻嚴氏，年二十適周，生子一，而慶年卒。族人或欺凌之，嚴外御疆侮，內肅家政，守節五十八年。子之一，諸生。
邵志。謹案：《古今圖書集成·明倫匯編·吳一

堯妻衛氏傳》有耆民字，此傳亦有耆賓字。蓋老夫女妻，象在易大過之九二矣。

湯奉天妻盧氏，奉天遠行遇盜死。盧間關覓夫尸歸。子任三，諸生。
《一統志》。

邵志。謹案：《古今圖書集成》作馬八里湯氏婦，據熊志也。邵志云馬五里而有其夫與子名，必有所據矣。

魯劉氏，魯古愚長子婦，生員劉昺女，早寡，事嫡庶姑以孝稱，撫四子二

女，資於辟纼，年七十八卒。邵志。謹案：《古今圖書集成》入《閨節傳》。

石嚴氏，生員石璽母。璽幼而孤，嚴延名儒訓之，寒窗夜雨，戒之曰：

「汝學不成，吾無以對汝父。」母子相對泣，苦節四十年。邵志。謹案：《古今圖書集成》入《閨節傳》。

成》入《閨節傳》。

生員曹大春妻汪氏，戶部主事若參次子婦。崇禎十六年春，獻賊掠舟南

渡，汪指懷中嬰謂大夫曰：「妾母子相為存亡，脫有不虞，妾義不負

君。」五月，賊猝入樊湖，汪匿蘆葦中，賊索之，知不免，乃抱兒赴水

死。越七日，尸浮淺渚，時當炎熱，面如生，猶兩手抱兒不可解，遂并

兒納棺中葬焉。國朝咸豐三年旌。《一統志》。邵志。新纂。

潘南岳妻李氏，生員潘心宇之子婦。年二十五夫故，父母欲嫁之，李刎

頸見志，乃止，守節七十年。子四，華李、文李、樵李、榮李，俱諸

生。邵志。謹案：《古今圖書集成》入《閨節傳》。

龔耀鄉妻高氏，年二十，夫故，紡績以奉舅姑，年七十餘終，子一。邵志。

謹案：《古今圖書集成》入《閨節傳》。

易方起妻胡氏，守節五十餘年。明季兵燹，備歷崎嶇，年八十五尚紡織度

日，子學孔。

邵志。謹案：《古今圖書集成》入《閨節傳》。

生員孟嵩妻楊氏，綦江知縣孟易吉冢婦

注：嫡長子之妻。

生員楊接公女。易吉與

接公相友善，指腹為婚，嵩早卒，楊撫遺腹子克有成立。

邵志。謹案：《古今圖書集成》入

《閨節傳》。

生員彭嶠胡氏，兵科給事中彭祖壽子婦。嶠早卒，無子，或諷之，胡撫膚

大慟曰：「我寧守吾貧，不作失節婦。」遂以女紅自給，茹蔬終身。

一統志。邵志。謹案：《古今圖書集成》入《閨節傳》。

生員舒化日妻鄭氏，化日卒，父母篤老，鄭事之孝謹，食貧教子。國朝順

治十三年旌。

邵志。謹案：《古今圖書集成》入《閨節傳》。

生員唐嗣音妻胡氏。嗣音卒，家中落，茶苦撫子成立，娶婦虞氏，生兩

孫。子又卒，胡拊虞大慟曰：「我與汝同為未亡人，未知天意如何能保此呱呱者否？」後姑婦並苦節以終。邵志。謹案：《古今圖書集成》入《閨節傳》。

貢生胡公鶴妾吳氏，嫡劉早卒，吳茹苦課子，佐以紡績。公鶴卒，守節三

十年。子于野。邵志。謹案：《古今圖書集成》入《閨節傳》。

吳大來妻傅氏，年二十而寡，無子，一女甫二齡。傅苦節撫之，及笄，適

柯敬老，亦二十而寡，無子，母女相依為命。邵志。謹案：《古今圖書集成》入《閨節傳》。

武生案原作庠生朱邦翰母陳氏，亂離與夫相失。邦翰甫二齡，辛苦撫之成立。

邵志。謹案：《古今圖書集成》入《閨節傳》。

生員柯啓禎妻吳氏，年十六，生子鉞甫兩月而啓禎卒。時祖姑吳篤老，

姑張又多疾，吳事之謹，娣姒相聚，無笑語聲，苦節三十年。邵志。謹案：《古今圖書集成》入《閨節傳》。

邵志。謹案：《古今圖書集成》入《閨節傳》。

生員王思美妻嚴氏，年二十二，思美卒，遺孤克家甫兩月，父母舅姑欲奪

其志，嚴抱子涕泣誓志，事遂寢，守節五十年。邵志。

生員萬友吉妻嚴氏，友吉年十三補諸生，以應試卒於旅次，生子甫四月，嚴聞訃絕粒幾死，服闋猶泣失聲。家貧，紡績之聲至雞鳴乃已。每歸寧，必告夫墓而後行。舅諸生六維哀之，作《孀閨錄》，黃岡舉人胡思

樊為詩歌以表之。

邵志。謹案：《古今圖書集成》入《閨節傳》。

周翊明妻方氏，早寡，值明季兵亂，備嘗險阻，守節五十五年，子有棟。

邵志。謹案：《古今圖書集成》入《閨節傳》。

汪世通妻李氏，茹苦守節，年四十七卒，格於例未旌，大學士余國柱為作傳以紀其事。孫廷、槐、模，俱諸生。

邵志。

王竊姑，廩膳生王起明女，幼字

（注：許嫁。）

生員張扶上。年十六，值闖賊之

亂。起明挈家避於神山鄉，竊姑從而後，遇羣盜於瓜圻坂，賊趣之上馬。怒曰：「吾儒家女，肯從賊耶？」賊擊之，罵益厲，遂遇害。

熊志。

國朝咸豐三年旌。

新纂。

文章張齡度妻吳氏，馬四里人。崇禎十六年，歸齡度。齡度嘗隨其祖錦還